

**SI BO TA BIAHANDO PA
AREA UNDA TIN MEASLES
DVG TA RECOMENDA BO
PA VACUNA**



WWW.SOLODIPUEBLO.COM



SOLODIPUEBLO@GMAIL.COM

**42 LUNA DI PRISON!
GUARDA COSTA
A INTERCEPTA
BOTO CU 323
KILO DI DROGA;
SOSPECHOSONAN
TA ALEGA:
‘NAN LO MATAMI!’**

**“DIPLOMATICO
CULTURAL” DI
AVP NA HULANDA:
‘REGALO DI
PUESTO’ OF
PLACA DI PUEBLO
PA BIAHE?**



**E OTRO BANDA DI MEDAYA:
TRABAO DI ENDY CROES TA
LEGAL, CONFIRMA PA DJWZ:
“DALBAI, PAGA ASU”**

Informe di CAD i
DWJZ no ta muestra
nada ilegal,

solamente
procedimentonan
burocratico



**HOLO MALO Y TOXICO
AFECTANDO BARIONAN**
Stichting Parkietenbos ta pidi pa accion



**TRABOU DI MANTENCION RIBA LIÑA
DI DISTRIBUCION SABANA BASORA**
Interupcion di Coriente Planea

En conexon cu trabounan necesario pa mantene
un suministro di coriente confiabel,
e servicio di coriente lo wordo interumpi:

**Diamars, 1 di juli, 2025
8:30 AM te cu 4:00 PM**

Den vecindario di:

- Rooi Taki
- Sabana Basora (un parti)
- Burubundo (un parti)
- Sabana Basora Noord (un parti)
- Balashi (un parti)

N.V. ELMAR ta pidi disculpa pa e inconveniencia cu
e interupcion di coriente aki por causa.

Bishita www.elmar.aw pa mira e lista di adresnan afecta.

Danki pa e comprension.



ELMAR

“DIPLOMATICO CULTURAL” DI AVP NA HULANDA: ‘REGALO DI PUESTO’ OF PLACA DI PUEBLO PA BIAHE?

Gobierno a skip “open solicitatie,” y escohe un miembro yega na partido AVP na Hulanda—kico e puesto aki realmente ta ?

ORANJESTAD – E gobierno di Aruba a lanta rabia despues di nombra silenciosamente un miembro di partido AVP, cu ta biba na Hulanda, pa un puesto nobo: “Diplomatico Cultural.” Criticonan ta grita cu esaki ta un maneho pa duna puesto na un “amigo di partido” mientras pueblo ta paga e cuenta.

Ningun Anuncio Publico, Ningun Transparencia

Aunke ley di Aruba ta exige cu vacante publico mester ta habri pa tur, e gobierno a salta e proceso normal y a nombra directamente un persona conecta cu AVP. E pregunta ta:

Pakico no a habri e oportunidad pa tur Arubiano cualifica?

Pakico un persona cu ni ta biba na Aruba?

Kiko esaki lo realmente aporta na nos cultura?

Puesto Sin Mision Claro, pero cu ta costa placa

E gobierno ainda no a duna un splicacion di kico e “Diplomatico Cultural” lo hasi.

Lo e promove cultura Arubiano na Hulanda?

Lo e organisa eventonan?

Of ta simplemente un excusa pa haya salario gordo cu biahe gratis pa bin Aruba y keir den Europa?

Sin un mandato cla, hopi hende ta sospecha cu esaki ta un “puesto inventa” pa un miembro di partido—cu ta sali caro pa pueblo.

Aruba Tin Placa pa Paga un “Diplomatico” na Hulanda?

Aruba su economia ainda ta saliendo di e pandemia, cu hopi hende lucha cu e costo di bida y falta di vivienda. ¿Pakico no a inverti den talento local, enbes di crea un puesto dudoso na Hulanda?

“Esaki no ta diplomacia, e ta abuso,” un activista di AVP mes a bisa. “Si Hulanda mester un representante di cultura Arubiano, pakico no a busca un profesional di cultura aki? ¿Pakico mester ta un amigo di partido cu ta biba leu?”

Ta AVP ta sigui haci Favor?

No ta e prome bes cu gobierno ta wordo acusa di duna puestonan sin transparencia. E move aki ta pone hende di pensa: Ta e interes di Aruba of di partido?

“Si e puesto aki tabata serio, lo a habri pa tur,” un ex empleado di gobierno a comenta. “Pero awor, ta parse un regalo pa un amigo—y nos tin cu paga.”

Pueblo kier haya contesta

E criticonan ta crece, y ciudadanonan ta exigiendo: Un splicacion di con e persona a



wordo escohi.

Un lista cla di e trabou cu e puesto ta involucra. Prueba cu e puesto aki lo beneficia Aruba mas cu e costo

Te cu e momento aki, e “Diplomático Cultural” ta parse otro ehempel di “puesto regala”—finansia pa pueblo di Aruba.

Bo ta pensa cu esaki ta un iniciativa legitimo of placa tira afo?

SERO BLANCO - DIADOMINGO ROND DI 4'OR DI MARDUGA HABITANTENAN DEN UN AREA DI SERO BLANCO A LANTA DEBI NA DESORDO



Esnan cu a lanta a capta un auto color shinishi sospechoso, o sea cu no ta di eybanda.

E zonidonan tawata bin di un cas, unda cu ladronnan posiblemente vincula cu e auto shinishi

tawata sacando no 1 pero 3 quadracer marca AKT for di e cura.

Testigonan lo a sigui nan, pero yegando area di Tarabana a perde nan for di bista.

Doño di e machine nan mesora a notifica polis.

Locual e ladronnan aki no a tene cuenta cu ne tur e camaranan di seguridad tin rond, sin conta esunnan



na hopi cas awendia.

Autoridad lo tin pista di kennan ta tras di e

operativa aki, y mas cu claro un ora pa otro ta desbarata nan.

E OTRO BANDA DI MEDAYA: TRABAO DI ENDY CROES TA LEGAL, CONFIRMA PA DJWZ: “DALBAI, PAGA ASU”

Informe di CAD i DWJZ no ta muestra nada ilegal, solamente procedimentonan burocratico

Recientemente nos por bolbe constata con un medio conoci pa ta Spin Doctors, kier twist e rapportnan di CAD y DWJZ riba placanan di subsidio pa ASU relaciona cu un proyecto deportivo na Centro Deportivo Betico Croes na Santa Cruz, cu tabata bao auspicio di Ministerio di Deporte. Nan obhetivo ta pa crea atake, lansa acusacion contra ex Minister Endy Croes, fomentado nada otro cu bruhacion, pa asina nan sacia nan sed di odio. Un ves mas nan ta dal nan dede, pasobra e resultado no a indica NADA di malversacion, corrupcion of mal uso di fondo, of nada robes. E resultado ta muestra cu e equipo di Ministerio di Deporte a traha cu alma y curpa pa deporte, pa logra resultado concreto. Aki ta sigui varios partinan di e resultado cu ta contradici tur nan storianan robes.

E proyecto tabata bao supervision directo di ministerio:

E documentonan oficial ta muestra cu e proyecto tabata completamente aproba pa Ministerio di Deporte. Segun e bestedingsovereenkomst (artikel 1): “Dat onder auspiciën van het ministerie van Onderwijs en Sport een projectdossier is samengesteld voor de bouw en ontwikkeling van een Atletiekbaan en Mini voetbalveld in Santa Cruz.” E citaat aki ta confirma cu e ministerio mes tabata e entidad responsabel pa e desaroyo di e proyecto cu den partnership cu ASU, lo wordo ehecuta.

CAD mes ta reconose practica comun di gobierno

E informe di CAD ta admiti cu pago di subsidio sin aprobacion formal ta un practica comun den gobierno. Na pagina 5-12, paragraaf 10 di e rapport di CAD ta stipula claramente:

“Het is al jarenlang gebruikelijk dat het Land subsidievoorschotten uitbetaald aan door het Land gesubsidieerde instellingen zonder dat er subsidieverleningsbeschikkingen zijn voorafgegaan.” E declaracion aki ta muestra cu e practica di pago sin aprobacion formal ta algo cu a wordo sigui pa años, i no ta specifico na e caso di ASU.

ASU no tabata simplemente tussenpersoon

Contrario na alegacionnan, ASU no tabata un tussenpersoon. E bestedingsovereenkomst (artikel 1.2) ta indica:

“Ontvanger (ASU) wordt belast met de besteding van de beschikbare middelen en toezicht op het project.”

Ademas, CAD mes a confirma na blad 7-12, paragraaf 21: “ASU heeft ons aangegeven het CDBC-project met ‘open handen’ te hebben ontvangen, omdat zij in principe open staan en medewerking verlenen voor alles wat de sport ten goede komt.”

No Tin Prueba di Malversacion

Tur analisis ta muestra cu e fondonan a wordo usa pa e proyecto manera ta planea. DWJZ ta enfatisa na pagina 3 di nan rapport:

“De bestedingsovereenkomst is rechtsgeldig.” E declaracion aki ta elimina cualke sospecha di ilegalidad den e proceso. Ademas CAD a confirma di a haya tur



invoices, tur pago, tanto via Directie Financien como for di ASU y cu pagonan pa material a wordo haci, te cu e material a yega Aruba y awor ta pendiente pa sigui e parti di instalacion.

Conclusion:

E diferencia ta visto den deporte. Bao di AVP su gobierno 2009 pa 2017, deporte a deteriora, cero inversion, cero mantencion. Bao Gobierno di MEP por a mira un adelanto grandisimo. A busca tur forma, hunto cu conseheronan

huridico, pa logra e adelanto. Si tabata tin algo robes, nunca DWJZ por a conseho pa “dalbai, paga ASU e restante”. DWJZ ta indica na pagina 4 di nan rapport:

“Aangezien de bestedingsovereenkomst rechtsgeldig is, de subsidiegelden zijn begroot en het project nog niet is afgerond, dient het resterende subsidiebedrag voorts aan ASU te worden verstrekt.”

E citaat aki ta demostra cu e proyecto tabata den proceso i no tabatin malversacion di fondo.

Clasificados










SOLODIPUEBLO@GMAIL.COM

CEL. 585 9500





NoticiadiCorte

42 LUNA DI PRISON! GUARDA COSTA A INTERCEPTA BOTO CU 323 KILO DI DROGA; SOSPECHOSONAN TA ALEGA: 'NAN LO MATAMI!'-1-

Guarda Costa a intercepta boto cu 4 Venezolano

Fiscal a exige 42 luna di prison pa importacion di 323 kilo di marihuana y 27 kilo di cocaina

E hombernan Venezolano L.E.C.(39), W.V.R. (34), A.C.H. (33) y P.C.B. (53) a presenta den sala di Corte di Husticia, pa e caso penal cu Ministerio Publico a cuminsa contra nan. Tur ta wordo sospecha di importacion di droga.

SOLO DI PUEBLO por a compronde cu Fiscal a exige 42 luna di prison pa cada un. Fiscal ta haya cu nan ta complice di posecion di lote grandi di marihuana y cocaina.

17 BULTO DI DROGA CONFISCA

Fiscal ta acusa e grupo cu riba 13 December 2024, a importa cocaina y marihuana. Hues bisa cu segun e relato di Guarda Costa, Guarda Costa di Curacao riba 12 December 2024 riba radar pa 11'or anochi, a mira un boto navegando direccion Seroe Colorado. E avion di Guarda Costa ye tabata bulando den direccion di e boto aki, mientras cu Guarda Costa di Aruba a mobilisa. Mas o menos 12'or di anochi, Guarda Costa di Aruba a intercepta e boto. E miembronan di e boto di Guarda Costa a mira e hombernan L.E.C. y W.V.R. tabata dilanti y A.C.H. y P.C.B. tabata patras. E avion di Guarda Costa a mira cu a tira 5 bulto den laman mientras cu e boto di Guarda Costa tabata acercando. Guarda Costa a intercepta e boto y a haya 12 bulto abordo. En total a confisca 17 bulto cu a resulta den 323 Kilo di marihuana y 27 Kilo di cocaina.

HUES A INTEROGA SOSPECHOSONAN

Durante tratamiento di e caso, Hues tabata puntra cada un sospechoso tocante e droga. L.E.C. a bisa cu el a bin Aruba ilegal. El a bisa cu el a paga 400 dollar y a entrega su brommer como pago pa por a bin Aruba. El a wordo traspasa di un boto pa un otro y ora el a wak tur e bultonan den e boto, e no por a bay bek. El a bisa cu e no conoce e hendenan den e boto y no por a haci nada. El a bisa cu el a tira bultonan



den laman pasobra e tabatin miedo di wordo deteni.

W.V.R. a bisa cu el a paga 1000 dollar pa bin Aruba ilegal. E tambe a bay den boto y nan a bis'e pa no bisa nada. El a bisa cu tabatin dos hende arma. El a bisa cu den su miedo pa bolbe worde deteni, el a yuda benta bultonan den laman.

A.C.H. kende tabata e capitan, a bisa cu el a wordo pidi pa hiba dos hende Aruba. El a bisa cu e no tabata sa cu tin droga abordo. Ora el a wordo hiba di un boto pa e otro boto, tabatin 2 hende arma den e boto. Den e otro boto el a mira e bultonan di droga y a wordo bisa cu e mester hiba tur cos sino nan lo mat'e. El a bisa cu e dos personanan ya tabata abordo.

P.C.B. tabata ayudante di A.C.H. E mester a yena gasoline den tanki di e motornan di e boto. Tambe e mester saca awa for di e boto segun cu nan tabata navega. E tambe a bisa cu esnan den e boto cu a hib'e na e otro boto, a bis'e cu si e no bay den e boto, nan lo mat'e y tir'e den laman.

Hues a remarca cu ta conoci cu mayoria di biaha

cu ta transporta ilegalnan, tin droga abordo.

Hues a muestra cu L.E.C. tin carchi di castigo caba na Aruba. Na December 2022, el a wordo condena pa asalto y na Mei 2024 el a wordo laga liber y saca for di Aruba.

Hues a muestra cu W.V.R. tambe tin carchi di castigo na Aruba. El a wordo condena pa asalto cu violencia y na Mei 2024 el a wordo laga liber y saca for di Aruba.

42 LUNA DI PRISON EXIGI

Fiscal a bisa Hues cu e ta haya legalmente proba e grupo tabatin droga den nan poder. Fiscal a muestra cu tur a bisa cu nan a mira bultonan abordo di e boto pero no sa kico ta aden. Nan tabata sospecha di ta droga. Fiscal ta haya cu door di a subi abordo di e boto, nan a tuma e riesgo cu nan tabata participa den trafication di droga. Fiscal ta haya cu nan ta complice di posecion di marihuana y cocaina. Ta trata aki di 323 kilo di marihuana y 27 kilo di cocaina, cu ta un cantidad grandi. Fiscal a exige 42 luna di prison pa nan tur. El a exige pa destrui e droganan y e boto ta keda confisca. Continuacion pag. 6

DESPUES DI A LIDERA EXITOSAMENTE RADO CARIBBEAN PA 6 AÑA

Patrick Werleman ta sigi como Vice Presidente di RADO Caribbean



Director di Desaroyo di Comité Olimpico Arubano sr. Patrick Werleman ta conoci pa su rol importante den e mundo di anti-dopahe na Aruba. No solamente e ta lidera e organisacion ARUNADO, cu ta maneja anti-dopahe localmente, si no tambe a lidera RADO (Regional

Anti-Doping Organization) den Caribe pa e ultimo 2 termino, unda e la sinta 6 aña como presidente.

Manera ta stipula den e statutonan di e organisacion, e la yega su tempo limite como presidente, pero igual a wordo eligi unanimemente



pa sigui como Vice-Presidente.

RADO Caribbean ta conta cu 18 pais miembro cu ta percura pa deporte sigur y limpi den nos region y e experticio di Patrick lo percura pa un bon continuacion di tur proceso banda di e presidente nobo.

COA ta felicita Patrick cu e trayectoria exitoso den e mundo di anti-dopahe y ta desea hopi exito cu e continuacion di e reto aki. #TEAMARU



DIRECTORA GABINETE DI ARUBA NA CELEBRACION DIA DI HIMNO Y BANDERA DI CURAÇAO

Den Haag – Directora Gabinete di Aruba Joselin Croes LL.M/M.Sc a atende e celebracion di Dia di Himno y Bandera di Curaçao fin di siman cu a pasa den Broodfabriek na Rijswijk.

E parti protocolario a consisti di canto di Himno di Korsou, sigi pa discurso di Minister Plenipotenciario di

Curaçao Carlson Manuel. Tambe presente tabata diferente miembro di Gabinete Pisas III.

Banda di un programma cu canto y baile, tabata tin hopi standnan di cuminda crioyo y cos dushi di Curaçao.

Nota pa redaccion: E potretnan ta cortesía di Arubahuis



42 LUNA DI PRISON! GUARDA COSTA A INTERCEPTA BOTO CU 323 KILO DI DROGA; SOSPECHOSONAN TA ALEGA: 'NAN LO MATAMI!'-2-

DEFENSA DI ABOGADO

Mr. Carlo a bisa Hues cu A.C.H. mester a trece e otro dos Aruba. A.C.H. como capitan a wordo pidi pa trece e dos Venezolanonan Aruba. A.C.H. y P.C.B. a wordo hiba di un boto pa un otro cu tabata riba laman. Ora A.C.H. a subi e boto, el a mira e bultonan y tabata sospecha di cu ta droga. E abogado a bisa Hues cu A.C.H. no por a hala atras. E no sa cuanto droga tabatin. E no por a bula den laman pasobra e lo muri y si e nenga e lo wordo mata. E abogado a bisa cu na Venezuela bo no por nenga sino bo lo wordo

mata. E mesun cos a pasa cu P.C.B. Ta ora el a subi abordo di e boto, el a mira e bultonan y no por a haci nada. Ta riba e otro boto, el a mira e droga y no por a haci nada. E abogado ta haya cu no por papia di trafication di droga. E abogado ta haya cu no por bisa cu nan ta complice di transporte di droga. El a pidi Hues pa condena nan na un castigo igual na loke nan ta cera caba.

Mr. Faarup a bisa cu L.E.C. y W.V.R. no ta complice di transporte di droga. E abogado a bisa cu ningun di dos tabatin un funcion riba e

boto. Nan no tabatin GPS. Nan tabatin un caha chikito den cual tabatin nan celular. Ambos a bisa cu nunca nan tabatin un GPS y no sa kico ta un GPS. Nan no tabata duna instruccion con mester navega. Nan a mira e droganan abordo pero no por a haci nada. Nan a tira bultonan for di e boto, ora nan a mira Guarda Costa. Esaki tabata un accion den panico. E abogado ta haya cu Hues mester declara nan liber di transporte di droga.

Hues a sera tratamiento di e caso y a bisa cu dia 18 Juli 2025 lo tin sentencia.

SI BO TA BIAHANDO PA AREA UNDA TIN MEASLES DVG TA RECOMENDA BO PA VACUNA

30.06.2025. Dentro di poco nos ta drenta periodo di vacante escolar y manera ta conoci, hopi local ta bay di vacante pa diferente pais y region. Manera cu Departamento di Salud Publico a bin ta informa comunidad di Aruba pa algun siman caba, e casonan di Measles of tambe yama Sarampi ta sigui aumenta den diferente pais y region rond mundo entre otro:

- Canada
- Diferente estado di USA
- o Texas
- o New Mexico
- o Kansas
- o Nort Dakota
- Mexico
- Europa
- o Romania,
- o Francia,
- o Hulanda,
- o Italia,
- o Spania
- Asia- Pacifico
- o Vietnam

- o Kyrgyzstan
- o Mongolia

Na tur esnan cu ta planea pa biaha durante e periodo cu ta sigui sea pa vacante of trabou y ta:

- sufrí di un malesa of condicion di salud cu ta afecta nan sistema inmunologico.
- Y tambe tur esnan cu kisas no ta sigur di ta bon vacuna cu 2 vacuna contra Measles

Ta wordo fuertemente conseha pa “walk in” na seccion di Malesanan Infeccioso situa na Avisenastraat #1, Oranjestad pa vacuna contra Measles minimo 7 dia prome cu biaha.

E vacuna disponibel ta e vacuna MMR (Measles, Mumps, Rubella) un vacuna hopi ‘safe’ cu ta riba mercado desde año 1971 y ta e mesun vacuna cu ta wordo suministra na



Aruba for di año 1979 na baby y muchanan di scol atraves di Wit Gele Kruis y Seccion Cuido Salud Hubenil.

E vacuna MMR ta un vacuna cu ta wordo produci abase di e metodo tradicional y no ta un vacuna moderno traha abase di e metodo mRNA. Efectonan secundario comun di e vacuna MMR

ta ensera:

- Aumento di temperatura corporal of keintura
 - Rash light (e rash ta desaparece y no mester tratamiento)
 - Kliernan por hincha (na garganta of patras di horea)
 - Dolor na e lugar unda a aplica e inyeccion
- Bo salud ta bo

responsabilidad, tuma accion pa proteha bo mes contra Measles.

Pa mas informacion like nos Facebook page Directie Volksgezondheid DVG Aruba, Follow nos riba Instagram directie_volksgezondheid_aruba, subi nos website www.dvg.aw, yama nos na 5224200 of mail nos na servicio@dvg.aw

HOLO MALO Y TOXICO AFECTANDO BARIONAN

Stichting Parkietenbos ta pidi pa accion di parti di Gobierno nobo

Oranjestad, 30 di Juni 2025 – Den e dianan aki e molester di holo malo den e barionan di Simeon Antonio, Parkietenbos y Mahuma a bira mas frecuente. Ta trata aki di holo malo y aire toxico cu ta biniendo di Ser'i Teishi, Barcadera y di e Dump na Parkietenbos. Di parti di Stichting Parkietenbos ta informa cu nan a reuni cu tur dos formador durante di e periodo di formacion di Gobierno nobo. Durante di e reunion aki nan a haci entrega di un rapport di un trabao investigativo haci pa un experto cu a indica tur e preocupacionnan cu e habitantenan di e barionan tin. Gobierno anterior por medio di Minister Ursell Arends no a produci ningun solucion pa maneho di desperdicio duradero y sostenibel. E la ignora e reclamo di e habitantenan di e barionan na multiple ocasion y

a simplemente sigui permiti e compania cu ta procesando desperdicio pa gobierno pa sigui dera sushi na Ser'i Teishi cu tur e consecuencianan.

E barionan ta wordo afecta for di tur angulo cu biento sumpla cu holo malo. Awor en especialmente pa motibo di e temporada di Horcan cu a cuminsa, hasta ora cu biento cay e holo malo ta drenta den e barionan afectando tur cas, oficina y hotel den e bisindario. Stichting Parkietenbos ta reclamando cu gobierno ta permiti pa viola e derecho di hende di hala rosea di aire limpi y esaki no por continua. Sr. Aldrich Croes cu ta presidente di e fundacion a remarca cu 2 aña pasa a sinta den un sesion di Crisis cu e oficina di maneho di crisis di Gobierno y tur departamento di Gobierno



a haya un presentacion di con grave e situacion ta.

Bisiñanan a comparti na tur presente con nan ta sufri cu e aire malo cu ta bin for di tres direccion y for di Ser'i Teishi, Barcadera, y Dump na Parkietenbos. Ta pesey a fundacion a manda busca un experto pa traha un rapport di e situacion critico aki. A entrega e rapport aki

na formadornan nobo y actual Prome Minister y actualmente e fundacion ta wardando riba reunion y accion di parti di e gobierno nobo. Ken cu pasa den e barionan aki awe y den e dianan venidero lo por haya e holo y sinti kico e habitantenan ta pasa aden. E cantidad di casonan di Cancer den e barionan ta alarmante, recientemente hasta un

miembro di bestuur a perde su tata pa motibo di cancer di pulmon. E holo malo di Ser'i Teishi tabata afectanan nan bario continuamente. E pueblo ta pidiendo Auxilio y ta pidiendo Gobierno nobo pa actua.

Masha danki pa e publicacion, den nomber di Stichting Parkietenbos, Aldrich Croes.

JERAINNE DONATA TA EMPLEADO SUPERIOR DI ARUBA BANK


30 di juni 2025 - Jerainne Donata ta empleado superior di Aruba Bank pa luna di mei 2025. Un empleado cu a demonstra dedicacion y iniciativa sobresaliente, logrando asina e reconocimiento aki. E compromiso di

Jerainne pa semper brinda un experiencia superior na e clientenan di Aruba Bank ta refleha e balornan di e banco. Su accionnan ta impacta e clientenan positivamente y ta pone un standard halto pa e excelencia di servicio na

cliente.

Den su tempo liber, Jerainne gusta cana den naturalesa, disfrutando di e paz y tranquilidad cu esaki ta trece.

Pabien Jerainne pa ta un empleado ehemplar cu ta forma parti di Aruba Bank.



Parlamentario Evelyn Wever-Croes

PARLAMENTARIO WEVER-CROES A REUNI CU RAAD VAN STATE Y TWEEDE KAMER NA HULANDA

“E tabata hopi bunita pa mira con portanan ta sigui habri y cu tin hopi disponibilidad pa sigui traha pa yuda Aruba na Den Haag”



Parlamentario Wever-Croes a indica cu actualmente Hulanda ta preparando pa bay urna electoral dia 29 di Oktober 2025 y lo ta hopi interesante pa mira e gobierno cu lo wordo forma. Tambe el a remarka cu ta hopi importante si pa pronto e gobierno nobo apunta un Minister Plenipotenciario pa Aruba na Hulanda mirando cu ainda despues di 3 luna cu e gobierno nobo a forma, Aruba no tin un representacion, y esaki ta strobando pais Aruba pa logra e metanan cu mester logra na Hulanda.

Tambe Parlamentario Wever-Croes a reuni cu Raad van State, cu su persona ta considera e aliado mas importante pa Aruba. Durante su reunion el a papi acu e vicepresidente señor Tom de Graaf y tambe cu miembro



di Aruba señor Andy Lee, y señor Richard van Zwol cu semper tabata un bon consehero pa Aruba.

“Eta importante pami como miembro di Parlamento y como lider di partido MEP pa mantene e contactonan aki, pasobra semper Aruba lo tin un relacion estrecho cu Hulanda. E tabata hopi bunita pa mira con

portanan ta sigui habri y cu tin hopi disponibilidad pa sigui traha pa yuda Aruba na Den Haag.

Loke nos mester ta muestra seriedad. Aruba mester di un gobierno completo y cu ta muestra lidersago y responsabilidad” Parlamentario Wever-Croes a expresa.

– Durante su bishita na Hulanda Parlamentario Evelyn Wever-Croes a reuni cu Raad van State y cu lidernan político den Tweede Kamer cu ta Parlamento di Hulanda. Parlamentario Wever-Croes tabata tin e oportunidad di papia cu

señor Rob Jetten cu tabata minister na Hulanda mesun temporada cu Gabinete Wever-Croes tabata den gobernacion. Durante e temporada aki a yega na varios palabracion importante riba e tereno di energia y fondonan pa Aruba.

MASHA PABIEN NA FAMIA HENRIQUEZ CU OTRO LOGRO DI EXECUTIVE PRODUCER JO HENRIQUEZ

◆ AI Overview

R

+10



The executive producers of the documentary "Mountain Queen: The Summits of Lhakpa Sherpa" are Sidney Kimmel, Jo Henriquez, Scott Ratner, Amani King, Lucy Walker, and Angus Wall. The film, directed by Lucy Walker, chronicles the life of Lhakpa Sherpa, who holds the record for the most female ascents of Mount Everest.

Here's a breakdown of the key details:

- Director:** Lucy Walker
- Starring:** Lhakpa Sherpa
- Executive Producers:** Sidney Kimmel, Jo Henriquez, Scott Ratner, Amani King, Lucy Walker, Angus Wall
- Producers:** Charlie Corwin, Michael D. Ratner, Miranda Sherman, Dalia Burde, Christopher Newman
- Cinematographers:** Devin Whetstone, Matthew Irving
- Editor:** Tyler Temple Higgins, Davon Ramos, Yaniv Elani, David Brodie
- Production Companies:** SK Global Entertainment, OBB Pictures, Avocados & Coconuts
- Streaming:** Netflix
- Synopsis:** The film follows Lhakpa Sherpa, known as the "Mountain Queen," as she continues her climbing career and juggles motherhood. It highlights her record-breaking achievements and her dedication to the sport.

Parlamentario Xiomara Maduro ta felicita sr. Jo Henriquez kende un biaha mas ta haci Aruba orguyoso na nivel internacional. E biaha aki Jo a ricibi e prestigioso Sports Emmy Award 2024-2025 pa su trabou como Executive Producer di e

impactante documentario titula: “Mountain Queen: The Summits of Lhakpa Sherpa”, actualmente disponible riba Netflix.

E documentario ta conta e bida di Lhakpa Sherpa, un hende muhe balente di Nepal cu a conkista e cumbre mas halto di mundo, Mount Everest, pa mas di dies biaha. Un historia di persistensia, curashi, y determinacion, cu Jo Henriquez y su ekipo ta logra transmiti cu gran sensibilidad y excelencia creativo.

E premio ta refleho di e esfuerso, pasion y talento cu Jo a pone den su trabou. E ta un ehempel di loke por logra ora bo sigui bo pasion y bo meta, sin lubida di unda bo ta bin. Pa Aruba, e logro aki no ta solamente un reconocimiento pa un individuo, pero e ta un motibo di orguyo pa tur nos pueblo.

“Nos ta manda un pabien grandi tambe na Famia Henriquez, cu sin duda ta stima y sostiene Jo den su trayectoria.

Mira un Arubiano truinf riba e plano internacional, semper ta fuente di inspiracion pa nos hendenan na cas.

Masha pabien y masha danki pa laga Aruba briya un biaha mas den exterior,” ta palabranan expresa pa Parlamentario Xiomara Maduro.

7 ALIMENTO CU POR MEHORA BO BEIS

E alimentonan cu bo ta come no solamente ta determina con bo ta zit eruit, sino cu tambe ta influi bo pensamento, emocion y accionnan.

Hopi ta e alimentonan cu por desahusta bo sistema nervioso, treciendo como consecuencia mal beis, cansancio, ansiedad y depresion.

Purba e siguiente alimentonan cu por mehora bo humor. P'esey, si bo a nota cu semper bo ta di mal humor of bo ta sinti un disgusto.

Ta un opcion mas saludabel, economico y simpel na luga di usa remedi. Solamente tene na cuenta cu si bo emocionnan no ta stabilisa, ta un bon idea pa bishita un psicologo.

Algun biaha e problemanan cu no tin di haber cu loke nos ta come, sino cu e hendenan cu ta rond di nos y e situacionnan cu nos ta biba aden.

1. Cacao of chuculati puro
E prome di e alimentonan cu ta mehora bo humor, ta cacao. E tin un efecto estimulante di felicidad, debi na e teobromina. E kimico aki ta yuda na:

- Aumenta e nivelnan di serotonina y dopamina den e organismo
- Ta relaha e sistema nervioso
- Ta disminui e estadonan di ansiedad y depresion

Cacao tambe ta contene triptofano, un kimico cu ta fomenta e liberacion di serotonina. Pa tur su beneficienan, nos ta recomendabo come un pida repi di chuculati puro



of cacao pa dia, pa asina mehora e estadonan di depresion y ansiedad.

Lo unico cu bo mester vigila ta cu e chuculati scogi, ta di un contenido halto di cacao. Idealmente e mester ta riba 65%.

2. Noot of nechi

E di dos di e alimentonan cu ta mehora bo beis ta noot of nechi. E ta aporta na e organismo acidonan graso omega 3, cu esaki no ta produci door di su mes. Ora cu bo curpa no obtene suficiente omega 3, e por dreña den estadonan depresivo. Nootnan tambe ta contene triptofano, di cual ya nos a menciona caba.

- Nos ta recomenda consumi 5 noot pa dia pa asina mantene un beis mas stabil.
- Corda cu bo por aña di nan na bo batidonan, na bo desertnan of simplemente come nan como colacion.

3. Bacoba

Bacoba ta otro di e alimentonan cu ta mehora bo beis y cu bo tin cu inclui den bo dieta diario of por lo menos dos biaha pa siman.

Su beneficio na bo



emocionnan ta debe na e contenido halto di vitamina B6. Esaki ta interveni den e proceso di transformacion di e compuestonan proteicos di serotonina.

Ademas, door cu e ta contene acido folico, vitamina C y fibra vegetal, e ta mehora bo defensanan.

4. Simiya di sesamo

E simiyanan aki ta un di e alimentonan cu ta mehora bo beis pasobra e ta aporta na treonina.

Esaki ta un aminoacido esencial cu e organismo no por produci y sintetisa di su mes di forma natural.

Ora cu tin nivelnan abao di treonina, bo por experiment tristesa cronico.

- Pa obtene e nutriente aki, nos ta recomendabo inclui un

telep di simiya di sesamo den bo saladanan of usa su azeta como parti di bo platonan.

5. Salmao y otro pisca

Otro di e alimentonan cu ta mehora bo beis pasobra nan ta rico den acidonan graso omega 3, ta salmao, tuna of sardin.

Esakinan ta incidi directamente den e

nivelnan halto di salo y di BPA, tambe conoci como bisfenol.

6. Alimentonan rico den fibra

Alimentonan rico den fibra soluble ta yudabo na cambia e estado di animo ora cu esaki ta debe na e alteracionnan den bo nivelnan di suco den sanger.

Si bo ta diabetico, controla bo nivelnan corespondiente. Corda cu e glucose eleva no solamente ta afecta e funcionamiento di bo organonan interno: tambe lo ponebo experimenta diverso emocionnan negativo den cuestion di minuut.

Ora cu bo ta sinti cu esaki ta sosodiendo, realisa un revision di glucose pa determina si esey ta e problema.

7. Carni cora magro

E ultim di e alimentonan cu ta mehora bo beis ta carni magro. Esakinan ta rico den acido linoleico, un vet natural cu ta yuda combati stress y e acumulacion di vet den curpa.

E carninan aki tambe ta aporta na hero y omega 3 cu ta yuda mehora e salud cerebral.

- Ademas, ta hopi recomendabel cu ora di cushina e carninan, haci'e cu e menor cantidad di salo y vet posibel. Asina, nos lo ta consumiendo e producto sin cosnan aña di y nos lo evita otro problemanan asocia. Manera por ehempel hipertension of aumento di peso.

eficiencia di e movimiento di algun neurotransmisor, cual deficiencia por provoca estadonan depresivo.

- Ta recomendabel inclui por lo menos un porcion di e piscanan aki na bo dieta semanal.
- Si ta posibel, inclui nan tres biaha pa siman compaña pa berdura.

Sigura cu e pisca cu bo cumpra ta di bon calidad y liber di contaminante. Esaki ta specialmente importante cu salmao, ya cu algun specimen obteni di criaderonan ta alimenta cu kimico cu por afecta bo humor.

Si bo ta opta pa consumi tuna, percura pa eligi e opcionnan den pidanan natural. Aunke e ta hopi economico come tuna di bleki, esaki ta contene

Minister Geoffrey Wever:

PRESUPUESTO 2025 DEN EHECUCION



Oranjestad, 30 di juni 2025 – Durante su conferencia di prensa semanal Minister di Finansa Geoffrey Wever a elabora riba ehecucion di e presupuesto 2025 pa e periodo januari pa maart 2025. Cada kwartaal Departamento di Finansa ta compila e “Uitvoeringsrapportage” basa riba cifranan preliminar di e administracion central di Pais Aruba y cifranan ricibi di entidadnan cu ta forma parti di e sector colectivo. E sector colectivo ta consisti di Pais Aruba, AZV, SVB, ATA, Serlimar, Stichting EPB y Universidad di Aruba. Pa e periodo di januari te cu maart 2025 Aruba tawata tin un gobierno demisionario ainda.

Segun e uitvoeringsrapportage 2025 pa e prome kwartaal di 2025, a ricibi 424 miyon florin na entrada. Esaki ta igual na 23% di e suma total na entrada riba presupuesto 2025. Pa loke ta trata gastonan di Pais Aruba, den e prome

kwartaal gastonan haci a yega un suma di 374 miyon florin na gasto. Esaki ta igual na 21% di e suma total na gasto riba presupuesto 2025. Pais Aruba a paga den e prome kwartaal di 2025 115 miyon florin na debe.

Di e 424 miyon florin na entrada, 122 miyon ta relata na Belasting Directo (29%), 249 miyon ta relata na Belasting Indirecto (60%) y e resto na diferente otro tipo di entrada. Pa loke ta trata Belasting Indirecto, den e prome kwartaal di 2025 a ricibi 15 miyon menos na loonbelasting. E motibo pa esaki ta e cambio den tarifa di e prome bracket di loon- y inkomstenbelasting di 10% pa 0% desde prome di januari 2025.

Pa loke ta trata belasting indirecto manera entre otro BBO y invoerrechten den e prome kwartaal di 2025 a ricibi un total di 221 miyon florin. Esaki ta 20 miyon florin mas compara cu e mesun periodo di 2024 den cual a ricibi 201 miyon

florin. Motibo di esaki ta e impacto di e crecimiento economico den e prome kwartaal di 2025.

Entrada pa AZV, ATA y SVB ta muestra un crecimiento di 261 miyon den e prome kwartaal di 2024 pa 282 miyon florin den e prome kwartaal di 2025. E subida di 22 miyon florin ta e resultado di e crecimiento positivo di Aruba su economia.

Den e proke kwartaal di 2025, a realiza un total di 370 miyon na gasto. Di esaki, 122 miyon florin ta trata di entre otro gastonan di personal cu ta igual na 24% di e gastonan total riba presupuesto 2025 (509 miyon), 45 miyon na Goederen en Diensten cu ta igual na 23% di e gastonan total riba presupuesto 2025 (193 miyon) y 55 miyon na interes paga riba debenan di Pais Aruba cu ta igual na 19% di e gastonan total na interes riba presupuesto 2025 (294 miyon).

Manera anca den ley, riba 17 di juni College

Aruba Financieel Toezicht (CAft) a duna su conseho riba e prome uitvoeringsrapportage di 2025. Den e conseho aki CAft ta indica cu e resultado financiero pa e prome kwartaal ta muestra un surplus provisional di 1,7%: cu esaki Aruba ta riba e trayecto pa cumpli cu e norma presupuestario pa e sector colectivo. Tambe Aruba ta cumpli provisionalmente cu e norma pa gastonan di personal. Aruba ta riba e trayecto pa yega prome cu 2040 un “Debt-to-GDP-ratio” di 50%. Pa por sigui reduci e debe CATy ta conseha pa haci uzo di

e surplus di AZV y SVB. CAft tambe a expresa su preocupacion mirando cu den e prome kwartaal ehecucion di inversionan ta kedando atras. Si mester remarca cu aa e periodo di januari te cu maart 2025 Aruba tawata tin un gobierno demisionario ainda.

Epresupuesto 2025 a wordo aproba unanimamente pa Parlamento di Aruba. Den cuadro di transparencia y pa informa na un forma structural, gobierno lo elabora cada kwartaal riba e ehecucion di e presupuesto 2025 segun minister Geoffrey Wever.

Clasificados

SOLODIPUEBLO@GMAIL.COM
CEL. 585 9500

UN OTRO IDEA DI DIOS

**FAREWELL TO:
THE GOD OF THE BIBLE, OF THE QUR'AN AND
TO THE JESUS MYTH -
WELCOME THE NEW**




Sr. drs. Adi Rasmijn ta presenta su buki titula 'Farewell to the God of the Bible, of the Quran and to the Jesus myth – Welcome the New' na Biblioteca

Nacional Aruba. Esaki ta tuma lugar diaranson dia 2 di juli, di 5or pa 7or.

E buki ta na ingles pero e presentacion mes lo ta na Papiamentu. E estudio indica ta trece hopi dato dilanti cu mayoria di hende no conoce y ta duna hopi food for thought. E tema mayor ta un 'Otro idea di Dios' cu e religionnan abrahamica ta cargando y un otro idea/interpretacion di Hesu Cristo. Esaki ta un buki pa lector cu un interes grandi

pa temanan spiritual.

Sr. Adi Rasmijn a traha como maestro di historia na Colegio Arubano, pa despues sigui como funcionario publico na Dir. Buitenlandse Betrekkingen (DBB). Pa diez aña largo sr. Rasmijn tabata hopi involvi den proteccion di naturaleza y medio ambiente (Stimaruba). Adi tabatin, un vez pa siman, un programa radial den cual ela trata un gran cantidad di buki cu tur



sorto di temanan spiritual. Publico ta bonbini na e presentacion interesante aki.

Oracion di dia



Bendicion cu hopi fe den nos bon Dios

"MAESTRO, SALBA NOS! NOS TA MURI!" MATEO 8,25

E historia di Hesus crusando lama cu su discipelnan, ta actualisa den nos bida. Hesus ta den e barco di nos bida y pa su gracia tambe ta sosega. Y ki ta pasa ora cu tempo bira turbulento, biento bira fuerte y olanan di lama ta bati na nos barco! ta parce cu Hesus tambe ta duro drumi. Y ora di nos pruebanan ta sclama! Hesus, salba nos, nos ta muri! Hesus no ta drumi, E ta cla pa actua na nos fabor, pero ta pidi pa nos profundisa den Fe y confiansa den dje." Pakico boso tin tanto miedo asina? Esta poco Fe boso tin! Mt. 8,26. E biento fuerte y olanan bruto no tin motibonan pa vence nos pasobra Hesus t'ey pa nos.

Oracion: Señor Dios, mi no kier tin poco fe. Mi kier aumenta mi fe y confia den Bo tur dia. Pa mi no tin miedo di nada, paso Abo ta mi Señor y mi Dios. "Ami kier hiba un bida inocente, salba mi, muestra mi compasion! Mi pia ta planta den tera firme" Salmo 26,11. Papia cu mi for di e kietud di mi curason. Amen.

Clasificados



SOLODIPUEBLO@GMAIL.COM

CEL. 585 9500



FORTALEZA PA FAMIA

Scirbi pa Pastor Marcel Balootje.

UN BON RELACION CU DIOS Y DEPENDENCIA DI DIOS TA E ALTERNATIVA PA NOS BIDA

ur hende tin dos pia, pero tur hende sa bon, bon cu ta difcil, casi imposibel pa cana den dos caminda, e wega di sirbi dos shon a sali na cla , y tur hende ta mirando cu no tin bienestar, tampoco crecimiento den e asunto ey.

Bo no por cana robez y spera bondad, pasobra tur locual hende sembra, hende lo cosecha, scuridad nunca a trece cos nan bon, hasta ora nos mira tempo bira scur y cu weer ta cambia nos sa cu locual ta na caminda , no ta tur biaha ta awacero so,pero ta awacero acompaña pa strena cu lamper, tin biaha rafaga di biento peligroso, cu por destrui propiedad y haci danjo na bida di hende.

Si nos a tende y ta mirando tempo trabahoso, tempo difcil, nos tin cu cuminsa pensa kico nos tin di haci , pa nos tin un refugio, un defensa, un caminda di sconde, un fuente di sabiduria cual ta firme, y decente, puro, sin mentira, y di hopi confiansa, pa asina nos por biba den trankilidad.

Despues di bisa Timoteo den 2 Timoteo vers 3 -5 tocante tempo trabahoso, Pablo ta pone bon cla den vericulo 10-14 tur locual mester wordo haci, pa asina nos por wordo protegi di e mal tempo, y ta splica mas dilanti cu ta solamente manera e palabra di Dios ta bisa nos por pasa den e tempo trabahoso.

Un cos ta masha importante pa hala mas serca Dios, y busca presencia di Dios pa nos bida, cual lo ta nos guia y nos speransa.

E palabra di Dios ta recorda nos cu nos mester somete nos mes na Dios y resisti e diabel y e lo huy for di boso, hala serca Dios, y E lo hala serca boso . (Santiago 4:8).
Mi ta stima tur esnan cu ta stima mi, y esnan cu ta buscami cu diligencia lo

hanjami (Proverbionan 8;17).
Boso lo busca Mi y hanja Mi ora boso busca Mi cu henter boso curason. (Jeremeias 29:13).

Senjor ta serca esnan cu ta sclama na dj'E, serca esnan cu ta sclama na dj'E di berdad. (Salmo 145;18).
DenpresenciadiSenjortin,Speransa,Amor, Goso, Pas,Compasion,Forsa y Poder, Mise recordia,Proteccion,Posibilidad, Gracia, Pordon y Fabor.

Ta solamente Cristo Hesus por bisa na nos tur:
Bin serca Mi tur cu ta cansa y carga y lo mi duna boso sosiego. (Mateo 11:28).
Y awendia nos ta mira cu esey ta e gran remedi pa tur esnan cu ta cana bao di stress y depresion, poniendo nan salud mental na peliger.
Tur momento cu nos busca di Dios, y nos no duda den palabra di Dios, nos lo tin seguridad y sanacion, pasobra tur cos ta posibel pa esun cu ta kere, Hesus a bisa cu pa hende cos lo ta imposibel pero no pa Dios.

Ora bo recomenda un hende pa e busca Cristo Hesus den su bida, no ta religion, pero ta e relacion cu E unico cu por yude y sake for di e situacion amargo of perta cu e ta den.

Ora un hende bisa bo pa busca Cristo Hesus pa bo bida,ta pasobra e persona ey ta stimabo, y kier mira bo bon.

Lagami tende Bo misericordia den mainta, pasobra den Bo mi ta confia,sinjami e caminda cu mi mester cana, pasobra na bo mi ta halsa mi alma.(Salmo 143:8).
Ta tempo pa pone tur duda un banda, y firmemente, aserca e trono di Dios, pasobra serca Dios tin tur cos.
Sinceramente, Pastor Marcel Balootje.

SUDOKU

	3						4	
5	4			7	1		2	
			3					6
		8			9			
3		2						
	1				7			3
							8	9
7	8	5	9					
			5				6	2

			9			1		2
7			3			6		
		2					3	
9					8	7		
3				1				9
		6	5					1
	1					4		
		4			9			6
8		3			6			

	6	1		8	7			4
8			5		6	1		9
		7				5		6
6				7	1	4	3	
	8		3		9		1	
	5	3	6	2				7
2		5				9		
4		6	1		3			8
3			2	4		7	6	

CUA GRUPO TA BIRA CAMPEON DI MENS ERGER JE NIET LIVE 2025



E campeonato di Mens Erger Je Niet Live a cuminsa dia 2 Mei cu 64 grupo. Pa e fin di siman aki, esta Diabierna 4 di Juli pa 8:59pm den Centro di Bario Brazil ta cuatro grupo so a keda invicto y un so por bira campeon di Mens Erger Je Niet Live 2025.

E ultimo weganan pa wak cua ta e cuater gruponan cu ta clasifica pa e final di Mens Erger Je Niet LIVE tabata esun di mas emocionante di e campeonato. Den e prome wega a hunga SIN MIEDO, W.E.B-N.V., GAÑA SA, FAMILY



GANG.
E di dos wega tabata HAT MASTERS, YOUTH FAMILY GANG, ENTRE NOS FAMILY, THE CRAZY RESCUERS.

Despues di e wega yena di tension, esunnan cu ta sigui pa e gran final pa diabierna awor 4 di Juli ta:

- SIN MIEDO
- W.E.B N.V
- THE CRAZY RESCUERS
- ENTRE NOS FAMILY

AWOR ! TA CUA DICHO TA BIRA REALIDAD?

1. Nos ta Sin Miedo pa WEB NV, The Crazy Recuerers of Entre nos Family !.
2. WEB NV ta avisa The Crazy Rescuers , Entre Nos Family y Sin Miedo !.
3. The Crazy Rescuers cla pa WEB NV, Entre Nos Family y spanta Sin Miedo!
4. Entre nos Family, Sin Miedo pa The Crazy Rescuers di WEB NV !.

Despues di tur e tiramento di “dow” e famoso DJ di Centro di Bario Brazil ta bay sorprende tur presente. Di parti di Eddie Dandlau y Bestuur di C.B.Brazil un

danki Inmenso ta bay na añ a di Mens Erger Je Niet Live un exito atrobe.



131 ARUBA UN DI E ULTIMO DIES

ORGANISACIONAN PA GANA APPELTJE VAN ORANJE 2025



Den luna di Maart e aña aki 348 organisacion den Reino Hulandes tawata den participacion pa e premio di Appeltje van Oranje 2025. Appeltje van Oranje ta un premio di e organisacion Oranje Fonds di Hulanda.

Oranje Fonds ta un organisacion cu ta promove envolvimento

den sociedad. Oranje Fonds ta concentra den yuda hende topa otro den sociedad of haña un lugar nobo den sociedad. Oranje Fonds tin como meta pa promove cohesion social di un banda y participacion social di otro banda. Organisacionan social y comunitario ta hunga un rol importante den nos sociedad. Nan ta identifica



problemanan, nan ta mira unda e necesidad di mas grandi ta y ta ofrece yudansa caminda e ta mas necesario.

Tur aña Oranje Fonds ta duna un Appeltjes van Oranje na tres proyecto social di Hulanda y/of Caribe Hulandes. Proyectonan/organizacionan cu ta compromete na un sociedad den cual niun hende no ta para su so. Cada aña un tema diferente ta den spotlight. E tema di e aña aki ta: Onmisbare schakels – de kracht van sociale initiatieven (linknan indispensabel – e poder di iniciativanan social).

Di e 348 organisacionan, Oranje Fonds a scoge 50 pa bay den un ronda di votacion di 19 di mei pa 28 di mei ultimo. Tur persona den Reino Hulandes por a vota pa un di e 50 organisacionan, pa asina un haya un puesto den e ultimo dieznan. E otro 49 organisacionan cu no

a haya e cantidad di voto pa pasa directamente pa final, mester a presenta e importancia di existencia di nan organisacion dilanti un grupo di hurado durante un pitch. Esaki a tuma lugar ariba 13 di juni ultimo na Curacao.

Despues di un pitch impactante, e sala a keda impresiona cu e tarabao di 131 Aruba. 131 Aruba a resulta di ta e organisacion di Aruba y un di e dos organisacionan di Reino Hulandes region di Caribe pa ta den e ultimo dies organisacionan participando pa e premio Appeltje van Oranje 2025.

Ariba 9 di october e aña

aki durante un evento na Paleis Noordeinde lo bira conoci cua ta e tres organisacionan den Reino Hulandes cu lo gana e Appeltje van Oranje 2025, y si 131 Aruba lo ta un di esakinan. E premio di Appeltje van Oranje 2025 lo ser entrega for di e manan di Reina Maxima.

Pa mas informacion tocante e importancia di e trabao di 131 Aruba por tuma contacto via nos website: 131.aw, Instagram: [131aruba](https://www.instagram.com/131aruba), facebook: <https://www.facebook.com/aruba.131>, email: 131aruba@gmail.com of telefon 5886138/5884011.



AWO MAS OPORTUNIDAD PA EDUCACION DI NIVEL HALTO PA SIGUI ELEVA CALIDAD DEN CUIDO HOH ARUBA Y UNIVERSIDAD DI ARUBA A FIRMA MOU



Siman pasa a tuma lug a un paso importante pa futuro den educacion na Aruba mes entre HOH Academy di Horacio Oduber Hospital (HOH) y Universidad di Aruba unda a logra firma un Memorandum of Understanding (MoU). Pa trece educacion medico riba nivel di HBO y pa garantiza e calidad di enseñansa HOH a mira e oportunidad pa traha hunto cu Universidad di Aruba pe studiantenan interesa por sigui nan estudio specialisa den cuido medico na Aruba mes.

Lenie Denteneer, Manager HOH Academy, a splica cu hopi di e estudionan necesario riba nivel halto no ta acesibel na Aruba. Pues ta busca enseñansa di afo y esey ta nifica cu HOH Academy ta dependiente di otro instituton educativo. Sin lubida cu hopi biaha ta les online orarionan di anochi mirando e diferencia di orario cu Hulanda. Ademá, mirando cu e lesnan ta via laptop e ta influencia e interaccion y comprendimento tambe.

Cu e MoU aki a crea posibilidad pa maestronan local duna les. Esaki lo trece cune mas conexion cu e studiantenan y e contenido di e lesnan tambe ta adapta na locual mester pa Aruba. Si e alumnonan no ta compronde algo e prome biaha, un maestro por brinda un tiki extra contexto den nan propio idioma. Ta convenci cu esaki ta trece mas oportunidad den enseñansa y

un efecto grandi riba e calidad di les y e aplicacion den practica na Aruba. “Mi ta hopi contento cu e MoU aki y cu orguyo ta informa cu ya caba na september por cuminsa cu dos specialisacion di enfermera na Universidad di Aruba, esta di Intensive Care y di Emergencia,” Denteneer a conclui splicando.

“E partnership cu HOH Academy a firma cu Universidad di Aruba ta demostra cu ambos a haci hopi progreso den e ultimo añanan y cu kier sigui construi hunto riba e futuro di cuido di salud na Aruba y cu lo percura pa brinda mas educacion pa studiantenan di Aruba. E paso aki no ta conta solamente pa HOH, pero tambe pa otro instancianan den cuido medico manera ImSan y RESPALDO,” Jacco Vroegop, Presidente di Junta di Directiva a termina bisando.

Enseñansa continuo ta un di e pilarnan clave na HOH y pues ta nifica cu ta sigui inverti den educacion continuo di nan empleadonan pa asina nan haya oportunidad pa crece den e profesion cu nan ta desea. Sra. Sue-Ann Lee, rector na Universidad di Aruba; “Esaki ta bay man den man den nos vision cu ta ‘lifelong learning’. Nos ta contento di por amplia nos pakete di educacion y ta segura cu studiantenan nan educacion realmente tin balor y lo wordo acredita.”

“Mi ta sumamente orguyoso di un



otro paso bunita pa e cuido medico Vroegop a termina bisando. Masha y pa e futuro di Aruba”, Jacco pabien Aruba!

"Dios ta amor... y amor ta Dios,
maske mi no ta na e mundo aki, tur dia lo mi ta banda
di boso Curazon, mi por stens di loke Señor ta hasi"
Salmo 33

**Cu dolor na nos curason, nos ta participa
fayecimento di nos ser stima:**



Dr. Roderick Gilbert Arends
Mihor conoci como “Rory” of “Doctor Turismo”

***01-08-1939 - †30-06-2025**

Acto di entierro lo wordo anuncia despues